

12.07.2018.



Sinoć je u hotelu „Behar“ u Goraždu upriličen događaj pod nazivom „Veče uspješnih poslovnih priča“ na kojem su dodijeljena priznanja uspješnim privrednim društvima koja posluju na području Bosansko-podrinjskog kantona Goražde.

Ovaj događaj organizovali su Vlada i Udruženje poslodavaca Bosansko-podrinjskog kantona Goražde kako bi odali javno priznanje lokalnim privrednicima i privrednim društvima na njihovom doprinosu privrednom i ekonomskom razvoju ovog kantona.

Premijer Bosansko-podrinjskog kantona Goražde Emir Oković iskazao je, u ime Vlade i svoje vlastito ime, zahvalnost svim privrednicima i drugim akterima koji su doprinijeli privrednom razvoju ovog kantona i razvoju njegovih lokalnih zajednica te istakao da se zajednički naponi na stvaranju još boljih uslova za razvoj privrede trebaju nastaviti.

– Mi smo neko ko treba da prihvati sve one kritike da li je ovaj sistem u kojem djeluje privreda dovoljno dobar, dovoljno savršen. Sigurno da nije, ali ipak moramo biti svjesni da su Bosansko-podrinjski kanton, kroz ovih proteklih dvadeset godina i ljudi koji su obavljali određene funkcije i imali mogućnost da donose odluke, zaista napravili nekoliko odličnih poteza, gdje znamo da mi kao kanton imamo najmanji broj promašenih privatizacija, gdje smo donijeli zakone koji su privukli investitore i omogućili određeni rast zaposlenosti koji je prepoznatljiv u Federaciji, čitavoj državi i šire – kazao je on.



Priznanja i zahvalnice za poseban doprinos privrednom i ekonomskom razvoju

Bosansko-podrinjskog kantona Goražde i doprinos punjenju javnih budžeta kroz uplatu dobiti dodijeljena su privrednim društvima UNIS Ginex d.d, Okac d.o.o, Pobjeda Rudet d.d, Emka Bosnia d.o.o, Prevent Components d.o.o. i Pobjeda Technology d.d. Goražde.

Vlada Bosansko-podrinjskog kantona Goražde će, kako je istakao premijer, i u budućem periodu raditi na stvaranju ambijenta koji će omogućiti rast proizvodnje i zaposlenosti.

– Mogu ovim putem najaviti da pravimo novo zakonsko rješenje, gdje želimo dio ovih sredstava koja se ostvaruju putem dobiti kroz različite forme vratiti privredi, kao što su npr. povoljni krediti, subvencioniranje određenih troškova i ostalo i mislim da je to u narednom periodu ključna stvar koju će Bosansko-podrinjski kanton i Vlada raditi i nastojati usmjeriti prema privredi, za koju smo sigurni da je srce ovog našeg društva – kazao je premijer Oković.

Predsjednica Udruženja poslodavaca Šejla Bojadžija iskazala je zadovoljstvo zbog ukazane prilike da se lokalnim privrednicima oda priznanje za uspješno poslovanje u proteklom periodu.



U okviru ovog događaja, organiziranog od strane Privredne komore BPK Gor, dodijeljena su priznanja privrednim društvima s područja BPK Gor, koja su se istaknula u poslovanju i doprinijela razvoju privrede u ovom području. Priznanja su dodijeljena društvima koja su postigla značajne rezultate u poslovanju, kao što su povećanje prodaje, razvoj novih proizvoda i usluga, kao i doprinos razvoju lokalne zajednice. Ovim priznanjima se želi istaknuti doprinos ovih društava u stvaranju radnih mjesta i povećanju konkurentnosti na tržištu. Događaj je organiziran u suradnji s Privrednom komorom BPK Gor i lokalnim vlastima.





Izvor: www.bpkg.gov.ba